



# QUÆSTIO MEDICA,

QUOD LIBETARIIS DISPUTATIONIBUS  
manè discutienda in Scholis Medicorum die foris  
24. Januarii.

M. PETRO PERREAU,  
Doctore Medico, Præsidente.

*An praevidendis tum corporis tum animi morbis aqua potus?*

## I.

**P**AUCIS hominibus longa datur vita, paucioribus jucunda & salubris, nemini immortalis; non prius enim homo incipit vivere quam mori, propter primordiorum, ex quibus constat, repugnantiam & insiti caloris efficientiam, qui eadem manu ipsum fovet & conficit, ut qui auctor est vitæ idem sit & necis: jugiter quippe depascitur triplicem illius substantiam spirituosam, solidam, & humidam: cui ad aliquot annos reparandæ tria subministrat natura, aërem, cibum, & potum; quorum, pro vario delectu, maxima

sunt ad infligendos morbos momenta, præsertim cibi & potûs; cum ab aëre plerumque nulli excitentur, nisi consentiat corporis & humorum constitutio, cibi potûsque qualitaturn æmula.

## I I.

**A**LENDO corpori & refarciendæ quæ in dies deteritur & effluit illius substantiæ, cibum potum permixtum apparant adornantque viscera suo quo polent calore; is naturæ legibus mitis est, halituosus, ac multo humore perfusus: hujus assumpti loco succedit siccitas, quâ veluti limâ acuitur & voracior redditur. Inde non mites sed acres succrescunt succi, fecundissima plurium tum corporis tum animi morborum semina, quibus præcavendis omnis inhibeaturn siccitas peregrini caloris comes individua: unâ fervetur viscerum mollietis blandusque calor. His tota ratio vitæ salubris & ab omni morborum tyrannide immunis terminatur. Hoc everso ut vitæ, sic totius artis fundamento firmissimo tota ruit sanitatis ac benè medendi ratio.

## I I I.

**I**N eam rem cibi sed maximè potûs fiat delectus, qui facile meabilis momento suas vires effundat, unde vis ejus ad immutandum corpus longè efficacior majorque potestas. Omnis vel est aqua vel vinum; hoc cereale, fructuarium & vitis, cerevisiam, pomaccum, & vinum propriè appellant. Cerevisia mesenterii vias meatusque suo lentore & crassitie infarcit; pomaccum excrementitiæ humiditatis redundantia coctiones interturbat; vinum voluptarium illud venenum insigni quò valet ardore ipsam partium vivacitatem exhaurit uritque

vitalia leni semper humore irriganda : insuper sensus omnes obtundit , mentem obumbrat , memoria n insigniter lædit , spiritus , humores , ac universum corpus inflammando , omnes animi impetus reddit effrœnationes.

## I V.

**A**QUA, saluberrimus ille naturæ potus longè dissimiles promit effectus : vi refrigerandi & humectandi, quâ pollet, æstuantem stomachum recreat & cætera, quæ præparant cibos viscera, plus æquo calentia temperat, ac voluptate frigoris perfundit, spirituum & humorum fervorem reprimat, insitum cuique parti calorem ac innatum humorem conservat & utriusque dissipationem remoratur. Unde multò vegetior ille fit & hujus substantia longè firmior : hinc ciborum major appetentia, ventriculi validior concoctio, temperatior sanguis, solidius virium robur ; ut immeritò vinum censcatur aut ad sanitatem, aut ad robur corporis, utile.

## V.

**N**ON minùs illud terræ lac beneficium, unicus prudentiæ potus, animi quàm corporis morbos antevertit: inde enim spiritus, caloris, & omnium animæ facultatum vehicula, puriores, splendidi magis, ac illustres : inde rerum species, tanquam specula lucida, occurrant menti sine tumultu, percipiuntur sine errore, aservantur sine detrimento, nec lapsu temporis delentur sed vigent; ut abstemii sint acutissimo ad res investigandas ingenio & purgatissimo ad easdem componendas æstimandasque judicio; eaque demum memoriâ, quæ sibi credita sunt rerum idola, pari, quâ accepit fide re-

presenter, hancque præ cæteris laudem mereantur, ut  
 varias animi perturbationes, quibus tanquam levioribus  
 morbis sanitas corporis & animæ convellitur tutius mo-  
 derentur, & eâ ratione ipsis sit mens sana in corpore  
 sano.

*Ergo præcavendis tum corporis tum animi morbis aqua potus.*

## DOMINI DOCTORES DISPUTATURL

*M. Joannes-Michaël Garbe.*

*M. Bertinus-Simon Dieuxvoye.*

*M. Joannes Boudin.*

*M. Guido-Erasmus Emmerex.*

*M. Michaël de Hodenq.*

*M. Poncius Maurin.*

*M. Michaël de la Vigne.*

*M. Petrus Perrean.*

*M. Bertinus Dieuxvoye,*

*Censor.*

Proponcbat Parisiis URBANUS LEAULTE', Parisinus  
 Baccalaureus Medicus A. R. S. H. 1686.

---

Apud Franciscum Muguet, Regis & Facultatis Medicinæ Typographum.